

蕪湖縣志卷五十七

雜識

祥異

晉

永嘉三年大旱江竭可涉

咸和元年十月春穀縣山崩獲石鼎一重二斤受斛餘

咸康八年九月春穀縣晉珪得玉鼎一外圍四寸豫州刺史路承獻之著

作郎曹毘上玉鼎頌

按咸和咸康皆晉咸帝年號時蕪湖屬丹陽郡春穀屬宣城郡兩不相涉中卷六十七年至安帝義

熙後始省陽穀入蕪湖陽穀即春穀之故名也馬得以先時春穀之物異為蕪機祥子前志誤

永和元年三月廬江太守路永泰於春穀城北得金狀如印遣主簿李邁

表送

按永和係晉穆帝年號距義熙亦六十餘年誤與前同

宋

泰始二年八月戊午嘉瓜生南豫州刺史山陽王休祐以獻赭斬城南得

紫王一段圍三尺二寸長一尺厚一尺二寸攻為壁以獻文武二廟宋按

書地理志武帝永初二年分淮南宣城屬南豫州治姑孰孝武大明六年以

淮南宣城屬南豫州治姑孰孝武大明六年以淮南宣城屬南豫州

治宣城蓋晉宋之際州郡析置不常多不可揚州以臆斷而泰始二年蕪湖

恒溫所築係繁昌地其得玉亦不可為蕪事

唐

太和八年春穀獻白兔一按唐時揚州所屬州四十

宋

太平興國七年五月蕪湖縣雨雹傷稼

紹興十二年二月辛卯太平蕪湖鎮江池州同日火鎮按通考載二月辛巳

池州及蕪湖縣火皆燔民廬此云辛卯燭小有異二十九年十月流星自

西南隕蕪湖東柳家山有聲如雷其光燭天民走視之一石高二尺色

青黑如鐵邑令趙不
亦恐感衆投之水

乾道六年冬甯國府廣德軍太平和州皆饑

淳熙八年冬行都甯國建康府嚴婺太平州廣德軍饑徽饒郡流徙入淮
郡者萬餘人

嘉定八年江浙淮閩皆旱太平建康甯國等為甚

元

元貞元年蕪湖榆木有文曰天下太平是年五月鎮江建康太平皆水二
年六月太平及諸路大蝗民饑

大德元年八月池州南康甯國太平水四年甯國太平兩路旱

泰定四年太平路大饑

天曆元年八月池州太平廣德九郡水沒民田萬四千餘頃

明

宣德元年五月蕪湖久雨江溢淹民田一百五十八頃有奇

嘉靖二十六年七月有黑龍見螺磯山下水暴漲二丈忽涸見底三十六年大水羣蛟齊發江漲丈餘圩岸衝決民居漂沒由當塗至蕪湖陸路無復存者舟行屋上禾麥不收民剝草根樹皮以食

萬曆三十六年戊申大水圩岸衝決廬舍傾毀舟行陸地河魚遊入市廛四十二年五月江漲陡發有木捆自魯港浮至鼈洲橫射河干值岸岸崩墨雲之氣隨之徑刷浮橋而去聲如峽坼

天啟七年東門外虎見三日去

崇禎十一年庚申飛蝗蔽天十二年己卯白燕生於民家十四年辛巳大疫

清

順治五年泮池生瑞蓮九年大旱河水不流十年天雨豆十七年地生毛

康熙七年九月蕪湖江中木牌遭火延燒陣散滿江自江入河如火龍蜿蜒觸者即焚十年夏大旱久不雨虔禱無應歲饑三十二年夏旱四十六年夏大旱禱有應雨沛田禾起枯為穎歲四十七年夏大水秋復有災四十八年大疫死者枕藉於路五十五年旱
雍正四年災

乾隆二十年水災二十二年邑民夏某女年及笄忽化為男二十九年邑被水災三十一年三十二年三十四年俱水災四十年夏秋大旱四十二年水災五十年大旱五十三年被水成災五十四年十二月十八日夜大雷雨五十七年泮池生瑞蓮五十八年夏秋水溢田禾間被淹沒嘉慶五年七年兩年雨水過多圩埧間被衝決田禾傷損居半九年夏雨連旬江潮泛溢田禾淹沒甚多

道光三年十三年二十八年均大水破圩二十九年大水圩破盡平地水

深丈餘人由南門城頭上船米價騰貴民多餓死

咸豐六年旱蝗蔽天日

同治七年山水沖破西南鄉圩隄八年江水陡漲破圩

光緒三年蝗蔽天日四年大火延燒二千餘家八年江潮大漲破麻浦圩

二十四年三月荆山一帶雨雹大如雞卵田中菜禾麥俱遭傷殘二十

七年大水破圩二十八年夏瘟疫大行患者吐瀉肌肉立消俗稱鬼偷

肉亦名瘍螺痧

宣統二年除夕大雨雷電交作三年大水圩隄沖破殆盡

民國六年四月雨雹大如胡桃玻璃屋瓦損壞無算